



Commune plurimorum Martyrum

EXTRA TEMPUS PASCHALE.

IN I. VESPERIS.

Antiphonae.

Mnes sancti, *
quanta passi
sunt torménta,
ut secúri per-
venirent ad palmam mar-
tyrii.

*Psalmi ut in j. Vesperis
de Communi Apostol. [1]*

2. Cum palma * ad re-
gna pervenerunt sancti,
corónas decóris merué-
runt de manu Dei.

3. Córpora sanctórum *
in pace sepúlta sunt : et
vivent nómina eórum in
aetérnum.

4. Mátyres Dómini *
Dóminum benedicite in
aetérnum.

5. Mátyrum chorus *
laudáte Dñum de cœlis.

Capitulum. Sap. iij.

Ustórum ánimæ in
manu Dei sunt, et
non tanget illos tor-
méntum mortis. Visi sunt
óculis insipientium mori :
illi autem sunt in pace.

Hymnus.

Sanctórum méritis ín-
clyta gáudia
Pangámus sócii, géstaque
fórtia :

Gliscens fert ánimus pró-
mere cántibus

Victórum genus ópti-
mum.

Hi sunt, quos fátue mun-
dus abhórruit ;

Hunc fructu vácuum, fló-
ribus áridum

Contempsére tui nóminis
ásseclæ

Jesu Rex bone Cœlitum.

Hi pro te fúrias, atque mi-
nas truces

Calcárunť hómínunť, sæ-
vaque vérbera :

His cessit lácerans fórtiter
úngula,

Nec carpsit penetrália.

Cædúntur gládiis more
bidéntium :

Non murmur résonat, non
querimónia ;

Sed corde impávido mens
bene cónschia

Consérvat patiéntiam.

Quæ vox, quæ póterit lin-
gua retéxere,

Quæ tu Martyribus múne-
ra præparas?

Rubri nam flúido sángu-
ine fúlgidis

Cingunt témpora láureis.

Te summa o Déitas, úná-
que póscimus ;

Ut culpas ábigas, nóxia
súbtrahas,

Des pacem fámulis ; ut tibi
glóriam

Annórum in sériem ca-
nant. Amen.

✠. Lætámini in Dño, et
exsultáte justi. ✠. Et glo-
riámini omnes recti corde.

Ad Magnificat, Añã.

Istórum est enim * regnum
cœlórum, qui contempsé-
runt vitam mundi, et per-
venérunt ad præmia regi-

ni, et lavérunt stolas suas
in ságuine Agni.

Pro pluribus Martyribus
Pontificibus. *Oratio.*

Beatórum Mátyrum,
paritérque Pontífi-
cum N. et N. nos quæsu-
mus Dómine festa tueán-
tur : et eórum comméndet
orátio veneránda. Per Dó-
minum nostrum.

Si non fuerint Pontifices.

Oratio.

Deus, qui nos concédís
sanctórum Mátyrum
tuórum N. et N. natalítia
cólere : da nobis in aetér-
na beatitúdine de eórum
societáte gaudére. Per
Dóminum nostrum.

Alia Oratio.

Deus, qui nos ánnua
sanctórum Mátyrum
tuórum N. et N. solemnité
lætíficas : concède
propítius, ut quorum gau-
démus méritis, accendá-
mur exémpilis. Per Dñum.

AD MATUTINUM.

Invitat. Regem Máty-
rum Dóminum, * Veníte
adorémus. *Ps.* Veníte. 2.

Hymnus.

Christo profúsum sán-
guinem,

Et Mátyrum victórias,
Dignámque cœlo láuream

Lætis sequámur vóci-
bus. Terróre victo sæculi,

Pœnisque spretis cörperis,

Mortis sacrae compendio
Vitam beatam possident.

Traduntur igni Martyres,
Et bestiarum dentibus :
Armata saevit unguis
Tortoris insani manus.

Nudata pendent viscera :
Sanguis sacratus funditur :

Sed permanent immobiles
Vitae perennis gratia.

Te nunc Redemptor quaesumus,

Ut Martyrum consortio
Jungas precantes servulos
In sempiterna saecula.

Amen.

In I. Nocturno.

Añã. Secus decursus
aquarum * plantavit vineam
justorum, et in lege
Dñi fuit voluntas eorum.

Psalmus j.



Beatus vir, qui non
abiit in consilio impi-
orum, et in via
peccatorum non stetit, *
et in cathedra pestilentiae
non sedit :

Sed in lege Domini volun-
tas ejus, * et in lege ejus
meditabitur die ac nocte.

Et erit tamquam lignum,
quod plantatum est secus
decursus aquarum, * quod
fructum suum dabit in
tempore suo :

Et folium ejus non defluet : * et omnia quaer-

cumque faciet prospera-
buntur.

Non sic impii, non sic : *
sed tamquam pulvis, quem
projicit ventus a facie ter-
rae.

Ideo non resurgent impii
in judicio : * neque pecca-
tores in concilio justorum.

Quoniam novit Dominus
viam justorum : * et iter
impiorum peribit.

Añã. Secus decursus
aquarum plantavit vineam
justorum, et in lege
Domini fuit voluntas eorum.

Añã. Tamquam aurum *
in fornace probavit electos
Dñus : et quasi holocausta
accepit eos in aeternum.

Psalmus ij.

Quare fremuerunt Gen-
tes, * et populi medi-
tati sunt inania?

Astitērunt reges terrae,
et principes convenērunt
in unum * adversus Domi-
num, et adversus Chri-
stum ejus.

Dirumpamus vincula eorum : *
et projiciamus a nobis
jugum ipsorum.

Qui habitat in caelis irri-
debit eos : * et Dominus
subsannabit eos.

Tunc loquetur ad eos in
ira sua, * et in furore suo
conturbabit eos.

Ego autem constitutus
sum Rex ab eo super Sion
montem sanctum ejus, *
praedicans praecipuum ejus.
Dominus dixit ad me : *
Filius meus es tu, ego ho-
die genui te.

Postula a me, et dabo
tibi Gentes hereditatem
tuam, * et possessionem
tuam terminos terrae.

Reges eos in virga fer-
rea, * et tamquam vas
figuli confringes eos.

Et nunc reges intelligi-
te : * erudimini qui judi-
catis terram.

Servite Dño in timore : * et
exultate ei cum tremore.

Apprehendite discipli-
nam, nequando irascatur
Dominus, * et pereatis de
via justa.

Cum exarserit in brevi
ira ejus, * beati omnes,
qui confidunt in eo.

Añã. Tamquam aurum
in fornace probavit electos
Dñus : et quasi holocausta
accepit eos in aeternum.

Añã. Si coram homini-
bus * tormenta passi sunt,
spes electorum est immor-
talis in aeternum.

Psalmus ij.

Domine quid multipli-
cati sunt qui tribu-
lant me? * multi insur-
gunt adversum me.

Multi dicunt animae
meae : * Non est salus ipsi
in Deo ejus.

Tu autem Domine sus-
ceptor meus es, * gloria
mea, et exaltans caput
meum.

Voce mea ad Dominum
clamavi : * et exaudivit
me de monte sancto suo.

Ego dormivi, et sopora-
tus sum : * et exurrexi,
quia Dominus suscepit me.

Non timebo millia populi
circumdantis me : * ex-
surge Domine, salvum me
fac Deus meus.

Quoniam tu percussisti
omnes adversantes mihi
sine causa : * dentes pec-
catorum contrivisti.

Domini est salus : * et
super populum tuum be-
nedictio tua.

Añã. Si coram hominibus
tormenta passi sunt, spes
electorum est immortalis
in aeternum.

℣. Laetamini in Domi-
no, et exultate justi.
℟. Et gloriamini omnes
recti corde.

Pater noster.

Absolutio. Exaudi Do-
mine.

℣. Jube domne benedi-
cere.

Benedictio. Benedictio-
ne perpetua.

De Epístola beáti Pauli
Apóstoli ad Romános.

Lectio j. Cap. viij. c



Ratres, Debitóres sumus non carni, ut secúndum carnem vivámus. Si enim secúndum carnem vixeritis, moriémíni : si autem spírítu facta carnis mortificáveritis, vivétis. Quicúmque enim spírítu Dei agúntur, ii sunt filii Dei. Non enim accepístis spírítu servitútis íterum in timóre, sed accepístis spírítu adoptiónis filiórú, in quo clamámus : Abba (Pater). Ipse enim Spírítus testimoniúm reddit spírítui nostro, quod sumus filii Dei. Si autem filii, et herédes : herédes quidem Dei, coherédes autem Christi : si tamen compátimur, ut et conglorificémur. Exístimo enim quod non sunt condígnæ passiónes hujus témporis ad futúram glóriam, quæ revelábitur in nobis. Nam exspectátio creatúre, revelatióne filiórum Dei exspectat.

R. Abstérget Deus omnem lácrymam ab óculis sanctórum : et jam non erit ámplius neque luctus, neque clamor, sed nec

ullus dolor : * Quóniam prióra transiérunt. **V.** Non esúrient, neque sítient ámplius, neque cadet super illos sol, neque ullus aestus. — Quóniam.

Bened. Unigénitus Dei Fílius.

Lectio ij.

SCimus autem quóniam diligéntibus Deum ómnia cooperántur in bonum, iis, qui secúndum propósitum vocáti sunt sancti. Nam quos præscívit, et prædestinávit confórmes fieri imáginis Fílii sui, ut sit ipse primogénitus in multis frátribus. Quos autem prædestinávit, hos et vocávit : et quos vocávit, hos et justificávit : quos autem justificávit, illos et glorificávit. Quid ergo dicémus ad hæc? Si Deus pro nobis, quis contra nos? Qui étiam próprio Fílio suo non pepércit, sed pro nobis ómnibus trádidit illum : quómo do non étiam cum illo ómnia nobis donávit? Quis accusábit advérsus eléctos Dei? Deus qui justificat, quis est qui condémnet? Christus Jesus, qui mórtuus est, imo qui et resurréxit, qui est ad dexteram Dei, qui étiam interpéllat pro nobis.

R. Viri sancti gloriósum sánguinem fuderunt pro Dómino, amavérunt Christum in vita sua, imitati sunt eum in morte sua :

* Et ídeo corónas triumpháles meruérunt. **V.** Unus spírítus, et una fides erat in eis. — Et ídeo.

Benedictio. Spírítus sancti grátia.

Lectio iij.

Quis ergo nos separábit a caritate Christi? tribulatio, an angústia, an fames, an núditas, an periculum, an persecutio, angládus? (sicut scriptum est : Quia propter te mortificámur tota die : aestimáti sumus sicut oves occisiónis.) Sed in his ómnibus superámus propter eum, qui diléxit nos. Certus sum enim quia neque mors, neque vita, neque Angeli, neque Principátus, neque Virtútes, neque instántia, neque futúra, neque fortitúdo, neque altitúdo, neque profúndum, neque creatúra ália póterit nos separáre a caritate Dei, quæ est in Christo Jesu Dómino nostro.

R. Tradidérunt córpora sua propter Deum ad supplícia : * Et meruérunt habére corónas perpétuas.

V. Isti sunt qui venérunt ex magna tribulatióne, et lavérunt stolas suas in ságuine Agni. — Et meruérunt. Glória Patri. Et meruérunt.

In II. Nocturno.

Añá. Dabo sanctis meis * locum nominátum in re-gno Patris mei, dicit Dóminus.

Psalmus rñb.

Quomine quis habitábit in tabernáculo tuo? * aut quis requiescet in monte sancto tuo?

Qui ingréditur sine mácula, * et operátur justítiam :

Qui loquitur veritátem in corde suo, * qui non egit dolum in lingua sua :

Nec fecit próximo suo malum, * et oppróbrium non accépit advérsus próximos suos.

Ad níhilum dedúctus est in conspéctu ejus malignus : * tíméntes autem Dóminum glorificat :

Qui jurat próximo suo, et non decipit, * qui pecúniam suam non dedit ad usúram, et múnera super innocéntem non accépit : Qui facit hæc, * non móvébitur in ætérnum.

Añá. Dabo sanctis meis

locum nominatum in regno Patris mei, dicit Dominus.

Añā. Sanctis qui in terra sunt ejus, * mirificavit omnes voluntates meas inter illos.

Psalmus xii.

Conserva me Domine, quoniam speravi in te. * Dixi Domino: Deus meus es tu, quoniam bonorum meorum non egres.

Sanctis, qui sunt in terra ejus, * mirificavit omnes voluntates meas in eis.

Multiplicatae sunt infirmitates eorum: * postea acceleraverunt.

Non congregabo conventicula eorum de sanguinibus: * nec memor ero nominum eorum per labia mea.

Dominus pars hereditatis meae, et calicis mei: * tu es, qui restitues hereditatem meam mihi.

Funes ceciderunt mihi in praeclearis: * etenim hereditas mea praecleara est mihi.

Benedicam Dominum, qui tribuit mihi intellectum: * insuper et usque ad noctem increpuerunt me renes mei.

Providēbam Dominum in conspectu meo semper: * quoniam a dextris est mihi, ne commovear.

Propter hoc laetatum est cor meum, et exsultavit lingua mea: * insuper et caro mea requiescet in spe.

Quoniam non derelinques animam meam in inferno: * nec dabis sanctum tuum videre corruptionem.

Notas mihi fecisti vias vitae, adimplēbis me laetitia cum vultu tuo: * delectationes in dextera tua usque in finem.

Añā. Sanctis qui in terra sunt ejus, mirificavit omnes voluntates meas inter illos.

Añā. Sancti qui sperant in Domino, * habebunt fortitudinem, assument pennas ut aquilae, volabunt, et non deficient.

Psalmus xxij.

Domini est terra, et plenitudo ejus: * orbis terrarum, et universi qui habitant in eo.

Quia ipse super maria fundavit eum: * et super flumina praeparavit eum.

Quis ascendet in montem Domini? * aut quis stabit in loco sancto ejus?

Innocens manibus et mundo corde, * qui non accepit in vano animam suam, nec juravit in dolo proximo suo.

Hic accipiet benedictio-

nem a Dño: * et misericordiam a Deo salutari suo.

Haec est generatio quaerentium eum, * quaerentium faciem Dei Jacob.

Attollite portas principes vestras, et elevamini portae aeternales: * et introibit Rex gloriae.

Quis est iste Rex gloriae? * Dominus fortis et potens: Dominus potens in proelio.

Attollite portas principes vestras, et elevamini portae aeternales: * et introibit Rex gloriae.

Quis est iste Rex gloriae? * Dominus virtutum ipse est Rex gloriae.

Añā. Sancti qui sperant in Domino, habebunt fortitudinem, assument pennas ut aquilae, volabunt, et non deficient.

V. Exsultent justi in conspectu Dei. **R.** Et delectentur in laetitia.

Pater noster. **Absolutio.** Ipsius pietas. **V.** Jube domine. **Bened.** Deus Pater omnipotens.

Sermo sancti Augustini Episcopi.

Serm. xlvij. de Sanctis.

Lectio ib.

Uotiescūmque, fratres carissimi, sanctorum Martyrum solēnnia celebrāmus, ita,

ipsis intercedentibus, expectemus a Domino consequi temporalia beneficia: ut ipsos Martyres imitando, accipere mereamur aeterna. Ab ipsis enim sanctorum Martyrum in veritate festivitatum gaudia celebrantur, qui ipsorum Martyrum exempla sequuntur. Solemnitatis enim Martyrum, exhortationes sunt martyriorum: ut imitari non pigeat, quod celebrare delectat.

R. Sancti tui Domine mirabile consecuti sunt iter, serviētes praecēptis tuis, ut invenirentur illaesi in aquis validis: * Terra apparuit arida: et in Mari rubro via sine impedimento. **V.** Quoniam percussit petram, et fluxerunt aquae, et torrentes inundaverunt. — Terra apparuit.

Benedictio. Christus perpetuae.

Lectio b.

SED nos volumus gaudere cum sanctis: et tribulationem mundi nolumus sustinere cum ipsis. Qui enim sanctos Martyres, in quantum potuerit, imitari noluerit; ad eorum beatitudinem non poterit pervenire. Sed et Paulus Apóstolus praedicat, di-

cens : Si fuérimus sócii passiónum, érimus et consolatiónum. Et Dóminus in Evangélio : Si mundus vos odit : scitóte quia me priórem vobis ódio hábuit. Recúsat esse in córpore, qui ódium non vult sustinere cum cápite.

R. Vérbera carníficum non timúerunt sancti Dei, moriéntes pro Christi nómine : * Ut herédes fierent in domo Dómini. **V.** Tradidérunt córpora sua propter Deum ad supplicia. — Ut herédes.

Benedictio. Ignem sui amóris.

Lectio bj.

SED dicit aliquis : Et quis est, qui possit beatórum Mártyrum vestigia sequi? Huic ego respóndeo, quia non solum Mártyres, sed étiam ipsum Dóminum cum ipsius adjutório, si vólumus, póssumus imitári. Audi non me, sed ipsum Dóminum géneri humano clamántem : Discite a me, quia mitis sum, et húmilis corde. Audi et Petrum Apóstolum admonéntem : Christus passus est pro nobis, relinquens nobis exémpulum, ut sequámur vestigia ejus.

R. Tamquam aurum in fornáce probávit eléctos Dóminus, et quasi holocausti hóstiam accépit illos : et in témpore erit respéctus illórum : * Quóniam donum et pax est eléctis Dei. **V.** Qui confidunt in illum, intélligent veritátem : et fidéles in dilectiône acquiescent illi. — Quóniam. **Gloria Patri.** Quóniam.

In III. Nocturno.

Aña. Justi autem * in perpétuum vivent, et apud Dóminum est merces eórum.

Psalmus xxxij.

Xsultáte justi in Dómino : * rectos decet collaudátio.

Confitémini Dómino in cíthara : * in psaltério decem chordárum psállite illi.

Cantáte ei cánticum novum : * bene psállite ei in vociferatióne.

Quia rectum est verbum Dómini, * et ómnia ópera ejus in fide.

Díligit misericórdiam et iudicium : * misericórdia Dómini plena est terra.

Verbo Dómini cœli firmáti sunt : * et spíritu oris ejus omnis virtus eórum.

Cóngregans sicut in utre aquas maris : * ponens in thesáuris abyssos.

Tímeat Dóminum omnis terra : * ab eo autem commoveántur omnes inhabitántes orbem.

Quóniam ipse dixit, et facta sunt : * ipse mandávit, et creáta sunt.

Dóminus dissipat consília Géntium : * réprobat autem cogitatiónes populórum, et réprobat consília príncipum.

Consílium autem Dómini in aetérnum manet : * cogitatiónes cordis ejus in generatióne et generatióne.

Beáta gens, cujus est Dóminus, Deus ejus : * pópulus, quem elégit in hereditátem sibi.

De cœlo respéxit Dóminus : * vidit omnes filios hóminum.

De præparáto habitáculo suo * respéxit super omnes, qui hábitant terram.

Qui finxit sigillátim corda eórum : * qui intélligit ómnia ópera eórum.

Non salvátur rex per multam virtútem : * et gigas non salvábitur in multítudine virtútis suæ.

Fallax equus ad salutem : * in abundántia au-

tem virtútis suæ non salvábitur.

Ecce óculi Dómini super metuéntes eum : * et in eis, qui sperant super misericórdia ejus.

Ut éruat a morte ánimas eórum : * et alat eos in fame.

Anima nostra sústinet Dóminum : * quóniam adjutor et protéctor noster est.

Quia in eo lætábitur cor nostrum : * et in nómine sancto ejus sperávimus.

Fiat misericórdia tua Dómine super nos : * quem ádmodum sperávimus in te.

Aña. Justi autem in perpétuum vivent, et apud Dñum est merces eórum.

Aña. Tradidérunt * córpora sua in mortem, ne servírent idólis : ideo coronáti póssident palmam.

Psalmus xxxij.

Benedícam Dóminum in omni témpore : * semper laus ejus in ore meo.

In Dómino laudábitur ánima mea : * áudiant mansuétí, et læténtur.

Magnificáte Dóminum mecum : * et exaltémus nomen ejus in idípsum.

Exquisívi Dóminum, et

exaudivit me : * et ex omnibus tribulationibus meis eripuit me.

Accédite ad eum, et illuminámini : * et fácies vestræ non confundentur.

Iste pauper clamávit, et Dóminus exaudivit eum : * et de omnibus tribulationibus ejus salvávit eum.

Immíttet Angelus Dómini in circúitu tíméntium eum : * et erípiet eos.

Gustáte, et vidéte quóniam suávis est Dñus : * beátus vir, qui sperat in eo.

Timéte Dóminum omnes sancti ejus : * quóniam non est inópia tíméntibus eum.

Dívites eguérunt et esuriérunt : * inquirentes autem Dóminum non minúentur omni bono.

Veníte filii, audíte me : * tímórem Dñi docébo vos. Quis est homo qui vult vitam : * diligit dies vidére bonos ?

Próhibe linguam tuam a malo : * et lábia tua ne loquántur dolum.

Divérte a malo, et fac bonum : * inquire pacem, et perséquere eam.

Oculi Dómini super justos : * et aures ejus in preces eorum.

Vultus autem Dñi super faciéntes mala : * ut perdat

de terra memóriam eorum.

Clamáverunt justí, et Dóminus exaudivit eos : * et ex omnibus tribulationibus eorum liberávit eos.

Juxta est Dóminus iis, qui tribuláto sunt corde : * et húmiles spíritus salvábit.

Multæ tribulatiónes justórum : * et de omnibus his liberábit eos Dóminus.

Custódit Dóminus omnia ossa eorum : * unum ex his non conterétur.

Mors peccatórum péssima : * et qui odérunt justum delínquent.

Rédimet Dóminus ánimas servórum suórum : * et non delínquent omnes qui sperant in eo.

Añã. Tradidérunt córpora sua in mortem, ne servírent idólis : ideo coronáti póssident palmam.

Añã. Ecce merces * sanctorum copiósa est apud Deum : ipsi vero mórtui sunt pro Christo, et vivent in ætérnum.

Psalmus rlv.

Deus noster refúgium, et virtus : * adjútor in tribulationibus, quæ invenerunt nos nimis.

Proptérea non tímébimus dum turbábitur terra : * et

transferéntur montes in cor maris.

Sonuérunt, et turbátæ sunt aquæ eorum : * conturbáti sunt montes in fortítudine ejus.

Flúminis ímpetus lætíficat civitátem Dei : * sanctificávit tabernáculum suum Altíssimus.

Deus, in médio ejus, non commovébitur : * adjuvábít eam Deus mane dilúculo.

Conturbátæ sunt Gentes, et inclináta sunt regna : * dedit vocem suam, mota est terra.

Dóminus virtútum nobiscum : * suscéptor noster Deus Jacob.

Veníte, et vidéte ópera Dómini, quæ pósuit prodigia super terram : * áuferens bella usque ad finem terræ.

Arcum cónteret, et confrínget arma : * et scuta combúret igni.

Vacáte, et vidéte quóniam ego sum Deus : * exaltábor in Géntibus, et exaltábor in terra.

Dóminus virtútum nobiscum : * suscéptor noster Deus Jacob.

Añã. Ecce merces sanctorum copiósa est apud Deum : ipsi vero mórtui

sunt pro Christo, et vivent in ætérnum.

V. Justí autem in perpetuum vivent. **R.** Et apud Dñum est merces eorum.

Pater noster. **Absol.** A vinculis. **V.** Jube domne. **Bened.** Evangélica léctio. Léctio sancti Evangélii secundum Lucam.

Lectio vij. Cap. xxj. c

In illo témpore : Dixit Jesus discipulis suis : Cum audieritis prœlia, et seditiões, nolíte terréri : opórtet primum hæc fieri, sed nondum statim finis. Et reliqua.

Homília sancti Gregórii Papæ.

Homil. xxxv. in Evang.

Iominus ac Redemptor noster perituri mundi præcurréntia mala denúnciat, ut eo minus pertúrbent veniéntia, quo fúerint præscíta. Minus enim jácula fériunt, quæ prævidéntur : et nos tolerabílius mundi mala suscipimus, si contra hæc per præsciéntiæ clypeum munímur. Ecce enim dicit : Cum audieritis prœlia et seditiões, nolíte terréri : opórtet enim primum hæc fieri, sed nondum statim finis. Pensánda sunt verba Redemptóris nostri,